



ԱՐԴԱՐԱԴԱՏՈՒԹՅԱՆ ԱԿԱԴԵՄԻԱ
ԿԱՌԱՎԱՐՄԱՆ ԽՈՐՀՈՒՐԴ

ՈՐՈՇՈՒՄ

1 Ճ մարտի 2018 թ., ԿԽ-002/18

**ԴԱՏԱԿՈՐՆԵՐԻ ԾԱՌԱՅՈՂԱԿԱՆ ԱՌԱՋԽԱԴԱՑՄԱՆ 2018 ԹՎԱԿԱՆԻ ՑՈՒՑԱԿՈՒՄ
ԸՆԴՊՐԿՎԱԾ ԻՐԱԿԱՔԱՆ ԳԻՏՆԱԿԱՆՆԵՐԻ ԳՈՐԾՆԱԿԱՆ ՀԱՏՈՒԹՅՈՒՆՆԵՐԻ
ՋԱՐԳԱՑՄԱՆ ՄԱՍՈՎ ՈՒՍՈՒՑՄԱՆ ԿԱԶՄԱԿԵՐՊՄԱՆ ՄԱՍԻՆ**

Ղեկավարվելով «Արդարադատության ակադեմիայի մասին» ՀՀ օրենքի 6-րդ հոդվածի 1-ին մասի 12-րդ կետով, «Հայաստանի Հանրապետության դատական օրենսգրքի» 139-րդ հոդվածի 5-րդ մասով՝ Արդարադատության ակադեմիայի կառավարման խորհուրդը




Որոշում է.

Հաստատել դատավորների ծառայողական առաջխաղացման 2018 թվականի ցուցակում ընդգրկված իրավաբան գիտնականների գործնական հմտությունների զարգացման մասով Արդարադատության ակադեմիայում ուսուցման ծրագիրը, դրա իրականացման կարգը և ժամանակացույցը՝ համաձայն հավելվածի:

Նախագահ՝


Տ. Խաչատրյան

Անդամներ՝

 Հ. Ասատրյան
 Հ. Բեբեկյան
 Ա. Հովհաննիսյան

Հավելված

Արդարադատության ակադեմիայի
կառավարման խորհրդի մարտի 16-ի
թիվ ԿԽ-002/18 որոշման

խորհրդի նախագահ  Վ. Խ. Խաչատրյան

**Ղատավորների ծառայողական առաջխաղացման 2018 թվականի ցուցակում
ընդգրկված իրավաբան գիտնականների գործնական հմտությունների
զարգացման մասով ուսուցման ծրագիրը, դրա իրականացման
կարգը և ժամանակացույցը**

1. Գործնական հմտությունների զարգացման մասով ուսուցումը ներառում է փորձաշրջանը ՀՀ վերաքննիչ քրեական դատարանում և Երևան քաղաքի ընդհանուր իրավասության դատարանում:
2. Փորձաշրջանը սկսվում է 2018 թվականի մարտի 21-ին և ավարտվում 2018 թվականի ապրիլի 11-ին:
3. Գործնական հմտությունների զարգացման մասով ուսուցում անցնող անձանց փորձաշրջանի ղեկավարներին նշանակում է Արդարադատության ակադեմիայի ռեկտորը (այսուհետ՝ Ռեկտոր)՝ հիմք ընդունելով ՀՀ դատարանների նախագահների խորհրդի կողմից ներկայացված փորձաշրջանի ղեկավարների թեկնածությունները, ովքեր պետք է լինեն ՀՀ վերաքննիչ քրեական դատարանի ղատավորներ:
4. Փորձաշրջանը կազմակերպվում է փորձաշրջանի անհատական ծրագրին (2և 1) համապատասխան, որում ընդգրկվում են փորձաշրջանի ընթացքում պարտադիր կատարման ենթակա առաջադրանքներ:
5. Փորձաշրջանը սկսելուց առնվազն մեկ օր առաջ Ռեկտորը հաստատում է փորձաշրջանի անհատական ծրագիրը:
6. Փորձաշրջանի յուրաքանչյուր օրվա տևողությունը 10 ակադեմիական ժամ է:
7. Փորձաշրջանի ավարտից հետո գործնական հմտությունների զարգացման մասով ուսուցում անցնող անձը Ռեկտորին է ներկայացնում փորձաշրջանի ընթացքում կատարված աշխատանքների վերաբերյալ ամփոփ հաշվետվություն (2և 3), որը հաստատվում է փորձաշրջանի ղեկավարի կողմից:
8. Փորձաշրջանի ավարտին փորձաշրջանի ղեկավարը Ռեկտորին է հանձնում գնահատագիր (2և 4), որով փորձաշրջանի ընթացքում գործնական հմտությունների զարգացման մասով ուսուցում անցնող անձի գործունեության արդյունքների, նրա գործնական և անձնական հատկանիշների նկարագրությամբ փորձաշրջանը գնահատվում է դրական կամ բացասական:
9. Փորձաշրջանի ղեկավարի կողմից գործնական հմտությունների զարգացման մասով ուսուցում անցնող անձանց փորձաշրջանի գնահատման չափանիշներն են՝
 - անհատական ծրագրով նախատեսված առաջադրանքների ամբողջական կատարումը,
 - իրավական հարցերի շուրջ կարծիք հայտնելու, դիրքորոշումը հիմնավորելու, բանավիճելու ունակությունը,

- աշխատանքային տարբեր իրավիճակներում կողմնորոշվելու, տրամաբանելու և որոշումներ կայացնելու ունակությունը,
- գործընկերների հետ շփումներում անձնային և մասնագիտական հատկանիշներ դրսևորելու ունակությունը:

10. Գործնական հմտությունների զարգացման մասով ուսուցում անցնող անձը

համարվում է Ակադեմիայում ուսուցումն ավարտած, եթե փորձաշրջանի ղեկավարը փորձաշրջանի արդյունքները գնահատել է դրական: